

Ex Detective "Kojak" cu buki riba su carera policial

Y buki pa pensionadonan

ORANJESTAD(AAN):--

Awe, 15 di augustus 2003, ta cumpli net un aña cu Josepha miho conoci como **"Kojak"** a baha cu pension despues di a traha casi 40 aña como polis.

Di e casi 40 añanan aki, el a traha mas o menos 20 aña na Aruba.

Nos a topa cu Kojak cu temporalmente ta biba na República Dominicana, pero cu cada tanto tempo ta na Aruba bishitando su hendenan y cas.

E ta conta nos, cu ainda e ta sinti hopi falta di e trabao di polis cu el haci pa asina tanto tempo.

E echo cu e ta biba temporal for di Aruba ta tene un poco for di acontecimentonan policial loke ta kita su pensamiento un poco for di trabao cu el a haci asina tanto tempo. Den e aña cu a pasa, el a skirbi dos buki y a cuminsa cu esun di tres.

E prome buki, cu na e momento aki ta wordo traduci na papiamento, ta basa riba su carera policial.

Den e buki aki e ta repasa tanto e partinan malo y tambe esnan bon den su carera.

E buki ta cubri tur seis isla na unda el a traha pero e ta pone bastante atencion y enfasis riba e añanan di 1995 te cu dia di su pension.

E capitulo di e añanan ey, e ta yama: **"1995-2003- E7 añanan flaco di mi carrera"**.

E parti cu ta sali asina cla dilanti, ta e tempo cu el a bolbe Aruba despues di a traha un tempo na Antiyas.

E ta repasa tur o mayoria di e problemanan pa su regreso y con entre otro, hende asina cerca di su persona y otronan pa motibo di entre otro envidia a trate.

Tambe e buki ta trece dilanti e partinan cu e ta bisa cu **"nan a trate inhusto"** den e probleman rond di e manifestacionnan cu a cuminsa den aña 1999 y a acerela den cabamento di 2000 cu aresto di algun persona.

E buki ta mostra bastante punto di loke e temponan ey, hopi tabata kier pa el a bisa o haci.

E salida o sea retiro di Kojak for di cuerpo di polis Arubano tambe ta bini na orden.

Kojak ta bisa cu e no ta hipocrita manera hopi di esnan cu tabata rond di su per-

sona, y tambe ta skirbi e partinan agradable y bon cu el a pasa hasta den e 7 añanan cu e ta califica como **"siete aña flaco."**

E buki tin partinan hopi picante caminda e ta skirbi loke e ta considera cosnan cu a pone sali como un persona amargo for di e cuerpo cu toch tanto y semper el a stima..

E ta yama danki na esnan (aunke sin tur ora menciona nomber), cu den bon y mal tempo a para na su banda.. Kojak ta bisa cu e sa, cu lo tin hende cu lo trata pa desbarata contenido di e buki pero cu e tin noticia pa e personanan aki..

E ta bisa, **"Josepha no sa gaña y contenido di e buki ta berdad y ta wordo cubri cu hechos."**

E no a haci cos di shishi tampoco den e buki.

E buki tampoco ta un otro buki **"Quo Vadis"** pero su bida agradabel y amargo den loke el a haci pa mas cu mitar di su bida..

DIARIO dentro di poco ta bay cuminsa publica partinan di e buki aki, sperando riba e dia cu e buki mes sali.

E intencion ta pa e buki sali den e papiamento y hulandes .E di dos buki ta skirbi pa esnan cu ta bay baha cu pension y den esey tin puntonan cu por ta interesante y importante pa e pensionado.

E buki aki ta mostra y duna algun tip pa cu e preparacion y baymento cu pension.

Kojak, den e di dos buki ta duna di conoce e problemanan cu bo por contra y kico bo mester tene cuenta cu ne.

E ta un buki skirbi na papiamento y ta facil pa comprende . Algun nomber di e capitulon ta entre otro : **"Pension o sea terminacion di trabou"**, **"E problemanan cu hopi ta confronta cu ne"**, **"Comienso di pension, awo kiko y con"**, **"E perdicion di hopi pensionado"**, **"Con bo ta para y kico mas bo falta"**, **"Posibel sugerencia pa enfrenta pension sin temor"**, **"E parti cu ta cumini un pensionado"**, **"Un siman den bida di un pensionado"** etc.

E buki aki cu ta hopi compacto, a wordo imprimi na Rep. Dominicana y lo por ta den boekhandel den e dos simannan nos dilanti.

Riba e di tres buki cu e ta skirbiendo, lo e bin bek, Ko-

jak a bisa nos.

Nos a puntra Kojak ki dia e ta

bolbe Aruba pa keda y el a contesta **"Na caminda...."**.